

ПРАЗДНОВАНИЕ ПРЕСТАВЛЕНИЯ БО ГОСПОДУ ПРЕПОДОБНАГО И БОГОНОСНАГО ОЦЯ НАШЕГО ИОНА, ОСНОВАТЕЛЯ ОБИТЕЛИ ЖИ- ВОУЧАЮЩИХ ТРОИЦЫ НАЖЕ НА ЗВЕРИНЦЕ В КИЕВЕ, СЖЕ ТРО- РИИ ИАННУАРИИ В ДЕВЯТЫЙ ДЕНЬ

Праздник же сей празднуем по обычаю, сиесть правим всенощ-
ное бдение.

НА ВЕЛИЦЕЙ ВЕЧЕРНИ

Кафизма 1-я 1-й антифон, аще Неделя — кафизма вся. На Гос-
поди возвах поставим стихов 10 и поем стихиры праздника 3, глас
8

Подобен: Гóсподи, áще и на суди́щи:

Гóсподи, áще и Иоáнну предста́л еси* на Иорда́не я́ко Чело́век,*
но не отступи́л еси́ от престо́ла, со Отце́м седа́й,* и, крещя́ нас
ра́ди,* мир свободи́л от рабо́ты чужда́го,* я́ко Ще́др и Чело́веко-
любец.

Гóсподи, áще и Иорда́нскими вода́ми* обложи́лся еси́ я́ко Чело-
век,* но свидете́льствовался еси́ свы́ше* снiтием Ду́ха,* и глас
Отче́ь Сы́на Тя свидете́льствова,* но яви́ся и пода́ждь нетле́ние ду-
ша́м на́шим.

Гóсподи, Ты, от Отца́ пре́жде веко́в* рождейся́ непреме́нный,*
прише́л еси́ в последняя́ ле́та,* и зра́к раба́ прия́л еси́,* и о́браз
Тво́й я́ко Зижди́тель обнови́л еси́,* крестився́ бо, дарова́л еси́ не-
тле́ние душа́м на́шим.

И святому 7, глас тойже.

Ра́дуйся и весели́ся, святая́ Земля́ Кие́вская* и Це́рковь Свята́я
Правосла́вная:* но́вая бо звезда́ на Небосво́де Церко́внем яви́ся,*
преподо́бный и Богоно́сный Оте́ц на́ш Ио́на,* утвержда́я ны в ве́ре
отце́в на́ших,* е́реси и раско́лы побежда́я* и указу́я путь ко спа-

сѣнию ду́ш на́ших.

Рáдуйся, Богоспаса́емый гра́де Кі́еве,* преподо́бными бо свя-
ты́ми Кі́ево-Печѣ́рскими* просла́влен бысть во вѣк вѣка;* се ны́не
и но́вый свети́льник яви́ся,* богоблаже́нный ста́рец Ио́на,* я́ко
сла́ва и украше́ние Свята́го гра́да,* нетле́нием моще́й от Бо́га про-
сла́вленный;* сей бо мо́лится за гра́д наш и ве́рныя лю́ди,* да по-
да́ст Госпо́дь нам ве́лию ми́лость

Рáдуйтесь, торжествуй́те и сла́вьте Го́спода,* Сѣй бо яви́ цѣркви
Правосла́вней* ми́лость свою́ в прославлѣ́нии* чу́дного Аввы
Ио́ны,* и́же а́нгельски пожи́в на земли́ плóтию,* с безплóтными
водворі́ся на небесі́* и ду́хом славослóвит непреста́нно Трѳ́ицу
Святу́ю* и мо́лится во е́же изба́виться от бѣд и напáстей* чту́щим
па́мь честну́ю егó.

Нѣбо и земля́ раду́ются и ликую́т,* я́ко Богоизбра́нный Ио́на* со
все́ми святы́ми и Ангелы́ небѣ́сными* Бо́га сла́вит и о нас земны́х
моли́твенник те́плый явля́ется,* да и мы ум и се́рдце на небеса́ воз-
веде́м* и моли́твами Отца́ на́шего Ио́ны укрепля́еми* по кончи́не
житія́ вре́менного* сподо́бимся воспева́ти Трѳ́ицу Святу́ю во ве́ки.

Воспой́м Го́сподеви,* удиві́вшему вся хотѣ́ния Сво́я во святы́х,* в
ни́хже и су́ща на земли́ Егó просла́вил чудоде́йствию* уго́дника
Своегó Ио́ну.

Все́м благочестномудрствую́щим* зело́ че́стен был еси́,* я́ко друг
Бо́жий, блаже́нне Ио́но,* тем обите́ль угото́вася тебѣ́ в дому́ Отца́
Небе́снаго,* в не́йже Единоро́дный Сын Егó* с труді́вшимися упо-
ко́и тя ве́чно.

Ярость ду́ши любóвию к Бо́гу обузда́в,* и по́хоть зѣльным воздер-
жа́нием увяді́в,* и ум чи́стою на не́бо впері́в моли́твою,* Влады́це
своему́ и Бо́гу угоди́л еси́, о́тче,* Иже ты на земли́ си́лою чудес про-
сла́ви* и в преми́рная селѣ́ния* дух твой всели́, Богоблаже́нне.

Слава, глас 6.

Гра́достью и усѣ́рдием о́тче наш Ио́но* и́го Христо́во все́ житіе́
свое́ нес еси́* и, сосу́д чистоты́ был еси́,* с преподо́бными препо-

дóбен явѝлся есѝ* и кончѝны честнѝя удостóбился есѝ* и венѝц славы от Христа Спасителя восприял есѝ.

И ныне, глас 2:

Днѝсь Небесѝ и земли Творѝц* приходѝт плóтию на Иордán,* Крещѝния просѝ, Безгрѝшный,* да очѝстит мир от лѝсти вражѝя.* И крещáется от рабá Владѝка всѝческих* и очищѝние водоó рóду человѝческому дáрует.* Тому́ возопѝм:* явлѝйся Бóже наш, слава Тебѝ.

Вход. Прокимен дне. **И** чтения.

Притчей чтение.

Пáмьять прáведнаго с похвалáми, и благословѝние Господне на главѝ егó. Блажѝн человек, иже обрѝте премúдрость: и смѝртен, иже увѝде рáзум. Лúчше бо сию куповáти, нѝжели злáта и сребрá сокровѝща. Честнѝйшая же ѝсть кáмений многоцѝнных, все же честнóе недостóйно ея есть. Долготá бо дней, и лѝта животá в деснѝце ея: в шúйце же ея богáтство, и слава. От уст ея исхóдит прáвда, закóн же и мѝлость на языкѝ носит. Послúшайте úбо мѝне, о чáда! честнáя бо рекú: и блажѝн человек, иже путѝ мой сохранѝт: исхóди бо мой, исхóди животá, уготовлѝется хотѝние от Гóспода. Сегó рáди молú вас, и предлагáю мой глас сыновóм человѝческим: яко аз премúдрость устрóих совѝт, и рáзум и смысл аз призвáх. Мой совѝт и утверждѝние, мой рáзум, моя же крѝпость. Аз менѝ любящѝя люблю, ищущѝи же менѝ обрѝщут благодáть. Разумѝйте úбо незлóбивѝи коварство, ненакáзаннѝи же прилагáйте сердцá. Послúшайте менѝ и пáки, честнáя бо рекú, и отверзú от устѝн прáвая: яко и́стине поучѝтся

гортáнь мой, мёрзки же прѣдо мно́ю устны́ лжи́выя. С прáвдою всѣ глаго́лы у́ст мо́их: ничто́же в них стрó-
потно, ниже́ развращённо: Вся прáва суть разумева́ю-
щим, и прóста обрета́ющим рáзум. Научú бо вас и́сти-
не, да будет о Гóсподе наде́жда ва́ша, и испóлнитесь
Дúха.

Притчей чтение.

Уста́ прáведнаго ка́плют премúдрость, языкъ же не-
прáведнаго погíбнет. Устне́ мужей прáведных ка́плют
благодáти, уста́ же нечестíвых развраща́ются. Мери-
ла льсти́вая мёрзость пред Гóсподем: вес же прáвед-
ный приятен Емú. Идѣже áще вни́дет досаждѣние: та́-
мо и безчѣстие: уста́ же смире́нных поучáются премú-
дрости. Соверше́ние прáвых наста́вит их, и поползно-
вѣние отрица́ющихся упасѣт их: Не пользуют имѣния
в день я́рости, прáвда же изба́вит от смѣрти. Умер
прáведный, оста́ви раскáяние: нарúчна же бывáет и
посмея́тельна нечестíвых па́губа. Прáвда непорóчна-
го исправля́ет путí, в нечѣстие же па́дает непра́вда.
Прáвда мужей прáвых изба́вит их: безсовѣтием же
плентя́ются беззакóннии. Скончáвшуся мúжу прáвед-
ну, не погíбнет наде́жда: похвала́ же нечестíвых по-
гíбнет. Прáведник от лóва убѣгнет, вмѣсто же его́ пре-
даѣтся нечестíвый. Во устѣх нечестíвых сеть гра́жда-
ном, чúвство же прáведных благопоспѣшное. Во бла-
гíх прáведных исправится град, и в погíбели нечѣс-
тивных рáдование: Во благословѣнии прáвых возвы́-

сится град, усты́ же нечесті́вых раскопа́ется. Руга́ется гра́жданом лишѣнный ра́зума, муж же му́дрый без-мо́лвие во́дит.

Премудрости Соломоновы чтение.

Пра́ведных ду́ши в руце́ Бо́жией, и не прико́снется их му́ка: Непщевáни бы́ша во очесѣх безумных умре́ти, и вмени́ся озлоблѣние исхо́д их: И е́же от нас шѣствие сокру́шение, они́ же суть в ми́ре. Ибо пред ли́це́м челове́ческим, а́ще и му́ку прии́мут, упова́ние их безсме́ртія испо́лнено: И вма́ле нака́зани бы́вше, вели́кими благоде́тельствовани бу́дут, я́ко Бог искуси́ я, и обре́те их досто́йны Себе́. Яко зла́то в горни́ле искуси́ их, и я́ко всепло́дие же́ртвенное при́ят я. И во вре́мя посѣщѣния их возсия́ют: и я́ко и́скры по стеблию потеку́т: Су́дят язы́ком, и облада́ют людьми́, и воцари́тся Госпо́дь в них во ве́ки. Наде́ющиися Нань разу́мею́т и́стину, и ве́рнии в любви́ пребу́дут Ему́. Яко благода́ть и ми́лость в преподо́бных Его́, и посещѣние во избра́нных Его́.

На литии храма и стихиры святому, глас 1.

Прииді́те всі́ ве́рнии и ино́цы,* ублажи́м па́мь Отца́ на́шего Ио́ны,* е́гоже па́мь све́тло пра́зднующе* и жити́ю е́го я́ко можа́ху подража́юще,* да досто́йны яви́мся моли́тв е́го * и заступлѣ́ния за град Ки́ев и Оте́чество на́ше,* е́же дарова́ти душа́м на́шим* мир и ве́лию ми́лость.

Прииді́те Па́стырие* Це́ркве Апосто́льския Правосла́вныя,* почти́м па́мь па́стыря* и отца́ на́шего Ио́ны* и навѣ́кнем жити́ю пра́ведному Его́,* пеку́щися о душа́х ве́рных,* наставля́юще все́х ко спасѣ́нию,* да Пасты́ренача́льнику Христу́* в день су́дный рече́м:*

се аз и дѣти, яже мѣ дадѣ Бѣг.

Приидѣте вси вѣрнии,* почтѣте пѣмѣть прѣведника* сей бо свѣтѣльник вѣры вѣры и любвѣ* согревѣет всех притекѣющих к нему* и просвѣщѣет пѣть, ко спасенію ведущій.

Слава, глас 3.

Днѣсь вѣлие торжество,* возрадуемса вси и возвеселѣмса,* нѣвый бо молѣтвенник за ны прѣд Бѣгом явѣся,* — Богоблажѣнный Авва Иѣна,* иже всѣм всѣ бѣв* и любѣвию всѣх и всѣ объят:* всѣм помогаѣя, в вѣре утверждаѣя* и прѣведность в вѣрных укрепляѣя,* и ныне мѣлится Живоначѣльной Трѣице,* во ѣже помѣловатися душѣм нашѣм.

И ныне, глас 8.

Днѣсь твѣрь просвѣщѣется,* днѣсь всѣческая веселятса,* небѣсная вкупе и земная,* ѣнгели и человецы смешѣются:* идѣже бо царѣво пришѣствие, и чин приходѣт.* Тецѣм ѣбо на Иордан,* и вѣдим вси Иоѣнна,* како крещѣет вѣрх нерукотворѣнный и безгрѣшный?* Тѣмже апѣстольскій глас припевающе, согласнѣ возопѣим:* явѣся благодѣть Бѣжия,* спасѣтельная всѣм человеком,* озарѣющи и подающе вѣрным вѣлию мѣлость.

На стиховне стихиры, глас 6. **П**одобен: **Т**риднѣвен:

Предстѣл есѣ на водах всѣм, Непостижимый,* Предтѣчи преклонил есѣ главѣ.* Мѣр освятѣв, работы избѣвил есѣ* Крещѣнием Твоѣм, Безгрѣшне.

Стих: **М**ѣре вѣде и побѣжѣ, Иордан возвратѣся вспѣть.

Бѣна возлюблена Отѣц от Вѣшних дрѣвле* и Дѣх свѣдетельствова, Христѣ,* Имже Трѣическое таѣнство познася,* во Иорданѣ крещшуса Тебѣ.

Стих: **Ч**то ти естѣ, мѣре, яко побѣгло есѣ? И тебѣ, Иорданѣ, яко возвратѣлся есѣ вспѣть?

Освятѣл есѣ воды, Спасѣ, Иорданскія всѣ* и естество водное, яко Бѣг.* Тѣмже и славит явлѣние Твоѣ* рѣд человеческій и воспевѣет.

Слава, глас 5.

Отче Преслáвне Ио́но,* Го́спода всём сёрдцем возлюбивый* и ближним любóвию послуживый,* сии добродéтели Духа Свята* и нам стяжáти помози,* да и мы в любвѣ к Бо́гу и ближним пребы- вая,* жízнь вѣчную насле́дуем.

И ныне, глас 4. **Космы** монаха:

Одеваяйся свѣтом, я́ко ризою,* нас ра́ди по нам бы́ти сподóбился е́сть,* во стру́и одева́ется днесь Иорда́нския,* не Са́м сия́ ко очи- щѣнию трéбуя,* но нам Собо́ю устро́яя порождѣние.* О, чудесé!* Без огня́ изваря́ет,* и назидáет без сокрушѣния,* и спаса́ет в Него́ просвещáемья* Христóс Бог и Спа́с душ на́ших.

На благословении хлебов: **Тропарь** Ионе глас 4, дважды:

Яко лучезáрное со́лнце* от конѣц земли́ воз- сия́вшее* явѣлся еси́ днесь напоследок днѣй* тезо- имени́тому проро́ку подóбся* во е́же воздвѣгнути лю́ди к пока́нию* Тѣмже и сама́ Пречѣ́стая* с со́нмом святы́х тебе́ мно́гажды явѣшася* Ея́же пове- лѣнием создана́ бы́сть обитель во и́мя Живона- чáльныя Трѣ́ицы* К Не́йже имѣя дерзнове́ние* моли́ преподóбне о́тче наш Ио́но* подáти нам мѣ́лость и оставлѣ́ние грехо́в в де́нь сýдный.

И праздника.

НА УТРЕНИ

На Бог господь: тропарь праздника дважды, слава, святаго, и ны- не, праздника

По 1-й стихологии седален глас 5.

Храм Бо́жий и Обитель во Имя Святы́я Трѣ́ицы,* Отче Ио́но, со- зида́юще,* и сам Хра́м украше́н в себѣ устро́ил еси́.* Научи́ и ны пока́нием очѣ́стится,* да хра́мы Духа Свята́го наречѣ́мся* и в обители́ вѣчныя моли́твами Тво́ими всели́мся.

Слава, и ныне, глас 4. **Подобен:** **В**ознесѣйся:

Щедро́тами Твои́ми, Бо́же, умоле́н,* заблуждшее и погибшее
взыска́л еси́ за милосе́рдие ми́лости Твоея́, Человеколю́бче.*
Те́мже пришёл еси́ на Иорда́н,* сказа́в та́инство Святы́я Трои́цы.*
И, воспева́юще, зове́м ве́рно:* пришёл еси́ и яви́лся еси́, Све́т Не-
присту́пный.

По 2-й стихологии, седален глас 4

По́двиги жити́я пра́ведного пред Бо́гом благоуха́я,* о́тче наш
Ио́но,* и о́браз свя́тости и насле́дие нескве́рное нам оставля́я,* тем
в ра́дость Го́спода своегó вше́л еси́:* сия́ ра́дости и ны не лишены́
сотвори́,* свяще́нную Твою́ па́мь прáзднующих.

Слава, и ныне: глас 8. **Подобен:** **Г**вире́лей па́стырских:

Яви́ся нам все́х Влады́ка во струя́х та́инственно Иорда́нских*
очи́стити вся́к грех, я́ко Ми́лостив и Преблаг.* Вся тва́рь да игра́ет,
я́ко крещáется Христóс Господь,* благоволи́вый спасти́ я́ко Бо́г ро́д
челове́ческий.

По полиелеи, седален, глас 1

Благода́ть Бо́жия косну́ся се́рдца Твоегó* поне́же добродéтелен
бы́л еси́,* и добродéтелями мно́гими* Хра́м Святы́я Трои́цы пре-
че́стен в се́рдце Твоём устро́ил еси́* и в за́поведех Христóвых пожи́л
еси́,* воздержáнием, постóм и моли́твою плóть и стра́сть умерт-
ви́вше,* дух твой Ду́хом Бо́жиим живи́л еси́:* помози́ нам, О́тче
Ио́но,* пока́нием очи́ститься и спасти́ся душа́м на́шим.

Слава, и ныне, глас 4. **Подобен:** **У**диви́ся Ио́сиф:

Прииди́те, уви́дим, ве́рнии, где крести́ся Христóс,* да послéдуим
про́чее ко Иорда́ну реце́,* ко гла́су вопию́щаго в пусты́ни,* и
уви́дим та́мо Содéтеля Ада́мова,* длáнию ра́бскою рукополага́ема
за благоутрóбие неизречéнное,* и к Немú велегла́сно возопи́м:*
пришёл еси́ и яви́лся еси́ во Иорда́не освя́тити во́ды.

В Неделю, Слава, и ныне, глас 4:

Цари́ца Не́ба и Земли́,* Влады́чице на́ша Богороди́це,* на спа-
се́ния стези́ наста́ви нас,* да возрасти́м в себе́ плоды́ досто́йны по-
ка́ния,* я́ко да в сердца́х на́ших воцари́тся Ца́рь Сла́вы Христóс

Бог,* и да царствуем с Ним, яко чада Божии во веки.

Антифоны степенны 4 гласа.

Прокимен, глас 4: Честна́ пред Господем:

Евангелие Матфея зачало 43.

По 50-м псалме: Слава, Молитвами преподобнаго отца нашего Ионы:, И ныне, Молитвами Пресвятыя Богородицы:, Стихира глас 6:

Образ верным быв* словом, житием, любовью, духом,* верою, чистотою,* отче наш Преподобне Ино,* молитвенно всех согревая* и помощь всем подавая:* сего ради Ты и ныне и мамы* правило веры и образ кротости,* учителя чистоты душевныя и телесныя,* наставника ко спасению Богомудраго* и молитвенника нашего ко Христу славнаго* во еже спасти́ся душам нашим.

Канон праздника, глас 2.

Песнь 1

Ирмос: Шествует морскую:

Утру явльшуся человеком светоносну ныне из пустыни, к водам Иорданским преклонил еси, Царю солнца, Твою выю, лика мрачна родоначальника исхитити, скверны же всякия очистити тварь.

Безначально, струям спогребшася Тебе, Слове, новаго преводиши, истлевшаго лестию, Сего несказанно от Отца прием глас державен: Сей возлюбленный, равен же Мне Отрок естеством.

Ин канон преподобному Ионе, глас 8.

Ирмос: Воду прошед яко сушу:

Припев: Преподобне отче наш Ино, моли Бога о нас.

Христа Бога от юности возлюбил еси и в молитве сердечней всегда утешение находил еси, пением в Храме наслаждаяся и служением ближним своим и житием нескверным Господеву угож-

дающе, Тому́ достойно поработал еси́, отче наш И́оно.

Жити́е а́нгельское возлюбив, ми́р и оте́чество свое́ оста́вил еси́ и в оби́тель Са́ро́вскую всели́ся, иде́же послуша́нием ста́рцу Серафи́му послужи́л еси́ и моли́твами страх Бо́жий стяжа́л еси́.

Подви́жник жи́зни духо́вныя ста́рец Серафи́м, при кончи́не жити́я Своего́ прозрѣв в тебе́ моли́твенника и подви́жника ве́лия, благослови́ тя подвиза́тися в пу́стыни Бело́берѣжстей, — да послужи́ши и Там в Ду́хе и и́стине Го́споду на́шему Иису́су Христу́.

Богородичен: **В** пу́стыни Бело́берѣжстей ра́дость ве́лию во сне́ тонком получи́в, егда́ в видѣнии трикра́ты от Влады́чицы на́шей Богоро́дицы повелѣ́ние имѣ́, да и́деши во Святы́й гра́д Кі́ев и испо́лниши та́мо во́лю Бо́жию и послужи́ши бли́жним Свои́м.

Песнь 3

Ирмос: Елицы древних:

Умерщвление пѣрвое насади́вый тва́ри зве́ря злоде́йственнаго вообра́жся в естество́, омрача́ется плотски́м пришѣ́ствием: у́тру я́вльшуся, прирази́вся Влады́це сокруши́ти свою́ вражде́бную главу́.

Влечѣ́т к себе́ Богозда́нное естество́, утробы́ мучи́теля погребе́нное преде́лы; ражда́ется па́ки земноро́дных Обновле́ние, де́ло держа́вно соверша́я Влады́ка: при́иде бо, то́е очи́стити хотя́.

Ин.

Ирмос: Небеснаго круга:

Моли́тве и посту́ от ю́ности навы́кл еси́, си́ми вра́жии ко́зни побежда́я и в по́двизех ве́лиих себя́ утвержда́я и о́браз пра́веднаго жити́я на́м показу́я, да си́м науча́еми поми́ловани бу́дем и мы грѣ́шнии.

Ве́лию благода́ть от трудо́в пра́ведных и служѣ́ния Бо́гу имѣ́я, ра́дость и любóвь бли́жним да́руя, и ны се́рдцы нескве́рными поклоня́тися Бо́гови науча́еши, благода́тию сею́ все́х к Тебе́, Отцу́ на́шему привлека́емых.

Благода́тию Святы́х уго́дников Кі́ево-Пече́рских укрепля́емь егда́

пóмоци себѣ в дѣле проси́л еси́, науча́л еси́ тем и нас Отце́м Киево-Пече́рским поклоня́тся, да не посра́млени бу́дем во вся́ком дѣле бла́зе.

Богородичен: Пу́ть у́зкий и и́го Христо́во благо́е избра́в, ско́рби претерпева́я, на по́мощь Влады́чицу Ми́ра и Ма́терь Све́та призы́ва́я, всё упова́ние на ню возложи́в, под покрóвом милосе́рдия Ея́ спаса́лся еси́.

Кондак, глас 4:

Яви́лся еси́ днесь вселѣнней,* и све́т Тво́й, Го́споди, зна́менася на нас,* в ра́зуме пою́щих Тя:* пришѣл еси́ и яви́лся еси́,* Све́т Непристу́пный.

Икос:

Галиле́и язы́честей, Завулóнстей странé и Неффали́мстей земли́,* я́коже рече́ проро́к, Све́т вели́к возсия́, Христо́с.* Омраче́нным све́тла яви́ся За́ря, из Вифле́ема облиста́ющая,* па́че же из Мари́и Го́спо́дь, всей вселѣнной возсия́вает лучи́ Со́лнце пра́вды.* Те́мже, иже от Ада́ма назии́, приидите́ вси́, облече́мся в Не́го, да согре́емся,* покрыва́ет бо наги́я и просвеща́ет те́мныя.* Пришѣл еси́ и яви́лся еси́ Све́т Непристу́пный.

Седален, глас 2

Во оби́телях Кие́вских пребыва́я, на брега́х Днепра́ – Иорда́на ру́сского моли́твы возно́ся и с по́мощию Бо́жией и ве́рных ча́д Бо́жих оби́тель но́вую созида́я, поста́ми, моли́твами и слеза́ми о ча́дех Це́ркви и ве́рных Го́спода умило́стивля́я, те́мже и к ре́вности жити́я а́нгельского́ ино́чествующих мно́жество воздви́гл еси́, препо́добне о́тче наш Ио́но,* моли́ Христа́ Бо́га грехо́в оставле́ние да́рова́ти нам и ве́лию ми́лость.

Слава, и ныне. Ипакои, глас 5:

Ѹгда́ явлéнием Тво́им просвети́л еси́ вся́ческая, тогда́ сла́ное не́верия мо́ре побеже́, и Иорда́н, до́ле текый, возврати́ся, к Небеси́ возвыша́я нас. Но высотóю Боже́ственных за́поведей Твои́х соблюди́, Христé Бо́же, моли́твами Богоро́дицы и помилуй нас.

Песнь 4

Ирмос: Огнем очищся:

Послан от Отца, всесвѣтлое Слово, ноши отгнати зломрачное стремление, и искоренити грядеши человеков грехи, сыны же при-
вещи, Твоим Крещением, Блаже, светлы от струй Иорданских.

Самое провидев нареченное Слово, ясно проповедник вопиет
твари: Сей прежде мене, вторый плотию сообразен, просил Бо-
жественною силою враждебный наш отъяти грех.

Пажить у Себе животворну нося, уловляет змиев, гнездам нате-
кая многими сетью, низлагая, Бог Слово, запинает же уязвившаго
всемирный род, сего постребь, избавляет тварь.

Ин.

Ирмос: Услышах, Господи:

Обитель Святыя Троицы на брегах Днепра созидае, чад верных
для служения Богу собирая, образ чистоты и кротости в себе являл
еси, во смирении сердце свое сохраняя.

Велия радость в возвращении мощей Твоих дважды захороненных
в обитель Святыя Троицы у братии и верных бысть, да не будут оне
под спудом безбожными скриваемы, но чадами верными прослав-
ляемы.

Обитель во имя Святыя Троицы создавше, верныя собрал еси в
ню, да прославляют тамо иноцы Создавшаго храма душ чело-
веческих, Егоже моли, да не осквернятся души сия и наследуют
обители райския.

Богородичен: Призри на нас грешных, Владычице Богородице,
спаси и защити нас, яко да величаем Тя, возвеличившую все чело-
вечество.

Песнь 5

Ирмос: Врага темнаго:

Видев Зиждитель во мраце прегрешений пленницами неиз-
бежными егоже вообрази персты, поставляет на обою раму, воз-
двиг горе, ныне во многотекущих водах омывая студа древняго

Адамова злаго нрава.

Со благочестием притецем прилежно ко источнику пречистым течения спасительнаго, Слово усмотряюще от Нетленных, почерпала приносяще жажды Божественныя, мира сладостно исцеляя недуг.

Ин.

Ирмос: Просвети нас:

Во обителях послушание имел еси и обитель Святыя Троицы устроил еси, Церкви Христове со страхом Божиим и любовью послужил еси, священнодействия и тайны совершая, мысленнаго Амалика побеждал еси.

Ангельское житие стяжал еси, елей в сосуде Светильника своего сохраняя, еже Дух Святыи есть. Сего ради с мудрыми девами Жениха Христа срещи сподобился еси, о нас молися Царю Царей и Спасителю мира.

Мудрость духовную стяжав и мир душевный возымев, отче Ионо, ты Наставниче Богомудрый был еси, даром чудес и терпения прославился еси.

Богородичен: **Г**лавная Неба и Земли Царице и скорая всем Человеком Помощнице, Мати Божия, молитвами отца нашего Ионы помози нам, души бо наша того восхотеша.

Песнь 6

Ирмос: Вожденного явствова:

От глубиннаго льва, тревечерний странне пророк во внутренних валяясь, абие произыде, пакибытия спасение от змия человекоубийцы всем предъявляя в последняя лета.

Отверсту Небу всесветлых писаний, ученик зрит от Отца посылаемый, пребывающ же Дух на Пречистом Слове, нашед яко голубь неизреченным образом, людем же является, пришедшим ко Владыце.

Ин.

Ирмос: Молитву пролию ко Господу:

В скорбех житейских к тебе прибегаем, ты бо врач душ и телес еси, святе отче Ионо. В беде сущих утешал и помогал еси им, и по смерти не оставляеши нас грешных в молитвенной твоей пред Господом помощи, благая наша прошения к тебе исполняющи.

Предстатель за нас грешных всегда был еси и яко добрый делатель винограда Христова обитель во славу Святыя Троицы во граде Киеве основал еси и в радость Господа твоего вошел еси.

Любовь и ревность к служению в Церкви являя, ты многим преподобным Отцам Печерским подражал еси, да всесвятое имя Святыя Троицы достойно прославляется.

Богородичен: Радуйся, Благодатная Богородице Дево, Архангел Гавриил радость Тебе принесет и сия бысть радость всему миру во гресех пребывающу. По молитвам же старца Ионы спаси и нас Пресвятая Владычице, да спасении Тобою радуемся во веки.

Кондак глас 2:

Благодатию Божиею нас обогатил еси и дела благими известил еси, званием явился, Ионо, угодник Христа Бога. В молитвах и постех дарований Божия Духа исполнился и бысть недугом прогонитель и заступник душам нашим.

АКАФИСТ



Избранный угодниче Христов и Чудотворче, преподобне отче Ионо, возсиявый миру, яко звезда богосветлая, жития твоего доброю и множеством чудотворений, восхваляем тя любовью в песнях духовных: ты же, яко имеяй дерзновение ко Господу, молитвами твоими от всяких нас бед свободи, да зовем ти: **Радуйся**, преподобне отче наш Ионо, града Киева похвало и

украшение!



Ангельский нрав имёл еси́, óтче преподóбне, и яко безплóтный, непорóчно жити́е соверши́л еси́ на землѣ, дѣвнѣйшѣ образѣ совершенства духóвнаго нам оста́вив, да подража́ем добродéтелем твои́м, и зовѣм ти си́це: Рáдуйся, цвѣте благоухáнный дóбраго воспитáния: рáдуйся, сосúде Божéственного избрáния; Рáдуйся, яко любéзная и красная мѣра сего́ презрél еси́: рáдуйся, яко небéсных и нетлénных, желáнием вожде-лél еси́; Рáдуйся, волею твѣрдою во́ли своея́ отреки́йся: рáдуйся, отсечéнием страстéй угоди́вый Бóгу и спасѣйся; Рáдуйся, преподóбне óтче наш Ио́но, гра́да Кѣева похвалó и украшéние!



Видя Господь дýшу твою́, яко нѣву благовоздѣлан-ную к плодонóсию духóвному, от ю́ности к искáнию еди́наго на потребу́, напра́ви твой пóмысл, преподóб-не, тѣмже любвѣ рáди Христóвы, родителѣй твои́х и дом отéческий оста́вил еси́, и всякаго пристра́стия сý-етного свободѣвся, притéкл еси́ в пúстынь Сарóвскую под крылѣ Серафѣма преподóбнаго, на пóдвиги ино-ческие, зовѣй спаса́ющему тя Бóгу: Аллилу́йя.



Рáзумом богопросвещéнным пости́гл еси́ суету́ ми́-

ра сего и непостоянство, в нем же радость сменяется скорбию, благополучие наветуется нечаянными бедами. Темже вечных нетленных благ возжелел еси, отче преподобне, и сия взыскати потщался еси отречением мирских благ, и вольною нищетою, подвигая нас зватьи тебе: **Р**адуйся, тесный путь спасения от юности возлюбивый: радуйся, ярем Господень на выю свою возложивый; Радуйся, священными обеты волю свою связавый: радуйся, себе и весь живот свой Господеви предавый; Радуйся, коемуждо во благо усердный служителю: Радуйся, болящих и немощных успокойтелю; **Р**адуйся, преподобне отче наш Ионо, града Кіева похвало и украшение!



Силою Всевышняго осененный и укрепляемый, в иночестем пострижении власов главы твоея, все плотское мудрование отложил еси, преподобне, и яко воин благоискусный, одежду иноческую в броню спасения стяжав, и непобедимым оружием Креста Христова вооружився, крепко ратовал еси противу врага невидимаго диавола, смирением глубоким побеждая его вознесенную гордыню, и выну вопия ко Господу: **А**ллилуйя.



Имeya слез источник изобильный, угодниче Божий, и умиления велию благодать, хлеб твой слезами оро-

шáл есѣ, и питиѣ плáчем растворял, от преизбытка желáния божѣственнаго и любвѣ ко Гóсподу. Тѣмже и мы ублажаѣм тя звáнии сѣми: Рáдуйся, пóмыслы плотскѣя сѣлою молѣтвы прогоняяя: рáдуйся, сомнящихся в вѣре слóвом Бóжиим утверждаяя; Рáдуйся, лишѣнии телѣсными мно́га блáга духóвная собравый: рáдуйся, нището́ю даровáния небѣсная стяжавый; Рáдуйся, молчáния изрядный хранѣтелю: Рáдуйся, преподóбне óтче нáш Ио́но, гра́да Кѣева похвалó и украшѣние!



Бу́ря искушѣний и устремлѣний диáвольских не возмо́же поколебáти хра́мины твоея душе́вныя, преподóбне óтче, оснóвана бо бе на твѣрдом кáмени вѣры во Христá, и хранѣма трезвѣнием и молѣтвами непрестáнными, ѣми же вы́ну противобóрствовал есѣ врагý спасѣния человѣческаго, и непреткновѣнно восходѣл есѣ по стезя́м добродѣтелей к совершенству духóвному в мѣру возраста Христо́ва, воспева́я Бóгу: Аллилу́йя.



Глы́шаша, преподóбне óтче Ио́но, ближнии и дальнии ангелоподóбное твоѣ житиѣ, и благодáти чудѣс струю́ вы́ну теку́щую, я́ко молѣтвою твоѣю прокажѣннии очища́ются, слепѣи прозира́ют, хромѣи хóдят и разнообразных недúг с вѣрою притека́ющии, áще и

иновѣрцы, здравіе улучають, сих избавльшесе вопія-
ху к тебѣ таковая: Радуйся, болящим, яко братии Хри-
стовой, служителю: радуйся, высоких подвигов житія
христианскаго ревнителю; Радуйся, новоначальных
искусный руководителю: радуйся, неизменное прави-
ло поста и воздержанія; Радуйся, умирающія воз-
ставляяй на покаяніе: радуйся, всем внушаяй Жізни
Вѣчныя взысканіе; Радуйся, преподобне отче наш
Ионо, града Києва похвало и украшеніе!



Боготечная пресветлая звезда явился еси, препо-
добне отче наш Ионо, небо церковное украшаяй и
всех блудящих по морю страстного житія сего дан-
ною тебѣ от Солнца правды Христа Иисуса, истиннаго
Бога, благодатию озаряяй, мрак печалей и мглу вся-
ких недуг и скорбей прогоняяй, наставляеши всех к
тебѣ с верою притекающих на путь спасенный, к вѣч-
ному Небесному Отечеству ведущий, поющих Богу:
Аллилуйя.



Видевше ангельстии чинове равноангельное житіе
твоѣ, отче богоблаженне, смиренія твоего глубину,
молитвы неотступность, воздержанія твердость и ве-
лию ревность дѹха твоего о чистотѣ, удивішася и про-
славиша Человеколюбца Бога, укрепляющаго немощ-
ное естество человеческое. Мы же ублажаем тебя и

зовём: **Р**áдуйся, мирским наставниче жизни богоугод-
ная: радуйся, основателю обители благоплодная; Ра-
дуйся, яко благая начинания твоя Христос благосло-
ви: радуйся, яко сотрудника тебе в лице державного
яви; Радуйся, общее житие монашествующих основа-
вый: радуйся, тем всеоружие благочестия им пода-
вый; **Р**áдуйся, преподобне отче наш Ионо, града Кие-
ва похвало и украшение!



Проповедует мир весь православный тебе, препо-
добне отче наш Ионо, демонов прогонителя, болез-
ней исцелителя и иных многих чудес совершителя.
Мы же, Бога о тебе прославляюще, вопиём Ему: **А**л-
лилуйя.



Возсиял еси на горах Зверинецких богосветлое све-
тило, и на спасения стезю наставил еси многи души
человеческия: яви бо ты Христос наставника и учите-
ля иноком пустыннолюбивым, иже стекахуся тебе,
яко овцы к пастырю, могущу упасти их на пажити жи-
воносней. Темже яко сотворившаго и научившаго, че-
ствуем тя сими похвальными словесы: **Р**áдуйся, общи-
ми труды праздных помыслов шатания упраздний:
радуйся, теми, яко броней, страстей разжженных
стрелы отразивый; Радуйся, вселивый во обители дух
общаго воздержания: радуйся, потребивый в ней плé-

велы любостяжания; Рáдуйся, бóдрствованию духо́вному мно́ги и́ноки научи́вый: рáдуйся, до конца́ жи́тия в тружда́ющихся бы́вый; Рáдуйся, преподо́бне о́тче на́ш Ио́но, гра́да Ки́ева похвало́ и украше́ние!



Хотя человеколюбивый Господь прославити место сие, яко виноград подвигов твоих, о́тче посла́ Пресвяту́ю Влады́чицу на́шу Богоро́дицу благовести́ти тебе́, яко бу́дет в сто́льном гра́де Ки́еве оби́тель и́ноком во спасе́ние, украше́нная хра́мом во и́мя Святы́я Тро́ицы. Ты же, явлéнием Пречи́стыя просвещéн, с радостным трéпетом внимáл еси́ благовести́ю небéсному, зовы́й во смире́нии дýха Влады́це Ангелов и челове́ков: Аллилúйя.



Но́вое зна́мение благоволе́ния Бóжия дарова́ся тебе́, преподо́бне, егда́ безмо́лствующу ти в Вы́дубицком монасты́ре, в но́щи свет ве́лий облиста́ ведомую ти кéллию, и Сама́ Пречи́стая с со́нмом Святы́х предста́ пред тобо́ю, мир тебе́ да́руя и повелева́я, да устро́иши та́мо оби́тель и́ноческую и в ней храм во и́мя Святы́я Тро́ицы. Дивя́ся у́бо сему́ пречу́дному Богома́тернему явлéнию, зове́м ти: Рáдуйся, му́дре предначерта́вый оби́тель но́ву: рáдуйся, поревнова́вый нищетолю́бному жити́ю Христóву; Рáдуйся, святы́я хра́мы во оби́тели созда́вый: рáдуйся, мног собо́р мо-

нашествующих собравый; Радуйся, яко труд твой
Свыше благословися: радуйся, яко святое желание
сердца твоего совершися; Радуйся, преподобне отче
наш Ионо, града Кіева похвало и украшение!



Гтраннолѣпно явися ти на воздусе Матерь Божия со
апостолы и мученики и преподобными и прочими
святыми, указуй место, на немже храм во имя Живо-
начальная Троицы и обитель ову имел еси воздвиг-
нути на горе Зверинцевей, преподобне отче, егоже Бо-
жиим поспешением совершив и освятив, со ученики
твоими немолчныя хвалы возсылал еси в нем Госпо-
деви, зовый: Аллилуйя.



Весь еси любовь неоскудевающая и подвига зерка-
ло нетускняющее был еси, преподобне Ионо. Видяще
же ревностное по Бозе и жестокое житие твое и бра-
тии, непрестанно в трудех и пощении подвижающихся
и ходящих в рубищных и худых одеждах, нецыи от
инок и всякаго чина мирских людей и князей люд-
ских не точною сих не отвращахуся, но паче ревностию
духовною горяще и во обители купно с ними подвижа-
тися желаяще, приношаху ту имения своя на пользу
общую; темже здателю тоя возглашаем тако: Радуйся,
яко во обители твоей мнози души своя спасоша: ра-
дуйся, яко из нея пастыреначальницы изыдоша; Ра-

дуйся, благочестивых отрадо и утешение: радуйся, колеблющихся в вере твердое ограждение; Радуйся, отчаявающихся утверждая во уповании: радуйся, просветивый многих святыми писани; Радуйся, преподобне отче наш Ионо, града Кіева похвало и украшение!



Всякое естество ангельское и подвижников множество удивішася смирению и человеколюбію твоему, отче наш Ионо, егда, архимандритства Межигорскаго послушание восприяв, Феодосію игумену Печерскому, яко житий общих на Руси учредителю уподобился еси. И о братии святія обители сея, яко о чадах Божиих, попечение не оставивый, Богу, любящему всякое свое создание, о тех взывал еси: Господи, послі Духа Святаго Твоего и утеші скорбныя души рабов Твоих сих. Тако бо во всяком послушании смиренномудрия красоту показуя, непрестанно взывал еси Богу: Аллилуйя.



Витийство человеческое не довлет изрещи обилие радости духовныя, еюже преисполнялся еси, отче богоносне, егда во время молитвы твоея нощныя, являшеся ти Пресвятая Богородица с ликами чинов подвижнических, и обетовании непреложными душу твою возвесели, яко присная Заступница обители тво-

ея́ бѹдет, снабдева́ющи и покрыва́ющи ю по вся дни. Те́мже и мы сия́ ра́достная тебе́ прино́сим глаго́лы: Ра́дуйся, шѣствовавший путе́м трудо́ным и те́сным: ра́дуйся, возводя́й други́х к Оби́телем небе́сным; Ра́дуйся, наде́ждо све́тлая в ну́жде и обстоя́нии су́щих: ра́дуйся, покрови́телю си́рых и кро́ва неиму́щих; Ра́дуйся, гла́дом погиба́ющих пита́телю: ра́дуйся, жела́емых благ прише́дшим к тебе́ пода́телю; Ра́дуйся, преподо́бне о́тче на́ш Ио́но, гра́да Ки́ева похвало́ и украше́ние!




Спасти́ хотя́ ду́ши учени́к твои́х, оте́чески назидáл еси́ их, богому́дре, о́ваго де́йственным сло́вом, о́ваго приме́ром жити́я твоего́, с любóвию облича́я и увеще́вая их преуспева́ти во благоче́стии и чистоте́: наипа́че же пред кончи́ною твоёю, вся ко спасе́нию душе́вному благопотре́бная запове́дал еси́ им, и научи́л еси́ их в моли́твах бо́дрствовати́ и немóлчно пе́ти Бо́гу: Аллилу́йя.



Стена́ заступле́ния бы́ша моли́твы тво́я, чудотво́рче святы́й, всем, с ве́рою к тебе́ притека́ющим во вся́кой ско́рби, и́бо чистоты́ ра́ди твое́я серде́чныя си́ла духо́вная тебе́ дарова́ся боля́щих исцеля́ти, бе́дствующим помога́ти, бу́дущая прорица́ти, я́ко сла́вити бли́жним и да́льным вели́чия Бо́жия, в тебе́ явлéнная,

и зва́ти тебе́ си́це: Ра́дуйся, ми́лости исто́чнице неис-
тощи́мый: ра́дуйся, скорбя́щих утешителю незри́мый;
Ра́дуйся, послéдняя твоя́ взаи́м Бо́гови да́вый: ра́дуй-
ся, до́брым раче́нием и расточе́нием су́щих богáтая
собра́вый; Ра́дуйся, досточу́дный о́бразе терпе́ния: ра́-
дуйся, наста́вниче нелéстнаго благоговéния; Ра́дуйся,
преподóбне о́тче на́ш Ио́но, гра́да Ки́ева похвалó и ук-
раше́ние!



Пéние всеумилéнное принéсл еси́ Пресвяте́й Трóи-
це во вре́мя кончи́ны твоея́, преподóбне, и моли́тве
су́щей на устéх твои́х, пре́дал еси́ святу́ю ду́шу твою́ в
ру́це Жива́го Бо́га, Егóже от ю́ности возлюбил еси́, и
ему́же до ста́рости маститы́я рабо́тал еси́ нелицеме́р-
но, те́мже со упова́нием благим ра́достно прешéл еси́
к оби́телем небéсным, со Ангельскими ли́ки пéти
Триипоста́сному Бо́гу: Аллилу́йя.



Ми́рную кончи́ну ви́девше твои́ ученицы́, вели́кий
уго́днице Бо́жий, скорбь разлучéния с тобо́ю утешé-
нием благодáтным раствори́ша, в упова́нии всеси́ль-
ного предста́тельства твоегó горé у престóла Бо́жия,
иде́же слы́шиши с любóвию тебе́ зову́щих: Ра́дуйся,
благопотре́бне во отéчествии твоём возсия́вый: ра́-
дуйся, véру в дéлах жити́я твоегó показáвый; Ра́дуйся,
разу́мных и препрóстых благоиску́сный учите́лю: ра́-

дуйся, чистоты́ душе́вныя и телéсныя усéрдный хра-
нителю; Рáдуйся, внúтреннею Крестá Христóва красо-
то́ю восхищённый: рáдуйся, сíлою свы́ше на труд
Крестоношéния облечéнный; Рáдуйся, преподóбне óт-
че наш Ио́но, гра́да Ки́ева похвалó и украшéние!



Благодáти причáстна яви́ся священная рáка, тобо́ю
самíм сооружéнная, содержа́щая многоцелéбныя мо́-
щи тво́я, чудотво́рче святы́й, íхже по лéтех мно́зих
яви́ Господь во склéпе церко́внем нетлéнными, и па́ки
по надругáнию безбо́жник сокры́, и па́ки яви́ в нéдрах
земли́ невредíмы, исцелéния неоску́дно источáющия,
и всяк недúг врачúющая сíлою Бóга, дíвнаго во Свя-
ты́х Свои́х дíвно же прослáвльшаго ты на небесí и на
земли́, Емúже воспева́ем: Аллилúйя.



Пою́ще рáдостную песнь хвалы́ и благодарéния Че-
ловеколю́бцу Бóгу, Прослáвльшему ты в земли́ Рúс-
стей чудотво́рца дíвнаго и мíлостиваго, мо́лим ты,
преподóбне óтче наш Ио́но: бúди ходáтай к Немú и
моли́твенник прíсный о нас, зовúщих ти: Рáдуйся,
стрелáми вра́жиих навéт неуязвíмый: рáдуйся, спа-
са́емых вождю́ непобедíмый; Рáдуйся, и по отшéст-
вии обíтель твою́ соблюда́й: рáдуйся, моля́щимся
благопотребная подава́й; Рáдуйся, от Гóспода венéц
пράвды восприя́вый: рáдуйся, сла́вою чудотворéний

просия́вый; Ра́дуйся, преподо́бне о́тче на́ш Ио́но, гра́да Ки́ева похвало́ и украше́ние!



◊, вели́кий и пресла́вный чудотво́рче, преподо́бне о́тче наш Ио́но! Ми́лостиво прия́в си́е ма́лое молéние на́ше, моли́твами твои́ми сохрани́ нас от недúгов душе́вных и телéсных в жи́зни сей, и от грядúщих мучéний вéчных изба́ви, и сподо́би нас вку́пе с тобо́ю во Цáрствии Небе́снем вы́ну пéти Бо́гу: Аллилу́йя.

Сей кондак глаголи трижды.

Посем Икос 1 и кондак 1.



◊, священна́я главо́, а́нгеле земный́ и челове́че небéсный, преподо́бне и богонóсне о́тче наш Ио́но, изрядный уго́дниче Пресвяты́я и Единосу́щныя Тро́ицы, явля́ющий мно́гия ми́лости живу́щим во святéй оби́тели твоéй, и всем, с véрою и любóвию притека́ющим к тебе́. Испроси́ нам вся благопотре́бная к жити́ю семú вре́менному, и ну́жная к вéчному спасéнию на́шему. Посóбствуй предста́тельством твои́м, уго́дниче Бо́жий, всем нам, к мо́щем твои́м святы́м припада́ющим, на враги́ ви́димыя и неви́димыя одолéние, да в ми́ре глубо́це пребу́дет Свята́я Правосла́вная Це́рковь Христо́ва, и в благоустроéнии зи́ждется оби́тель, ю́же ты основа́, во вся́ком благоче́стии неруши́мою. Бúди всем нам, чудотво́рче святы́й, помо́щник

скóрый во всякой скóрби и обстоянии. Наипáче же в час кончи́ны на́шей яви́ся нам заступник благосе́рдый, да не пре́дани бу́дем на мыта́рствах возду́шных вла́сти злóбнаго мироде́ржца, но да сподо́бимся не-преткнове́ннаго восхо́да в Ца́рствие Небе́сное. Ей, о́тче моли́твенниче наш при́сный! Не посрами́ упова́ния на́шего, не презри смире́нная моле́ния на́ша, и предста́тельствуй за нас пред престóлом Живонача́льная Трóицы, да сподо́бимся вку́пе с тобо́ю и со все́ми святы́ми мы, недостóйнии, в селéниях ра́йских сла́вити вели́чие, благода́ть и ми́лость еди́наго в Трóице Бо́га, Отца́ и Сы́на и Свята́го Ду́ха во ве́ки веко́в.

Песнь 7

Ирмос: Опали струею:

Тебе́ живопису́ющий ассирийский пла́мень ужа́сен поставля́еши, в ро́су преведе́н; те́мже вода́ ны́не, я́коже пла́мень, одева́яй, вре́дную злóбу, Христé, прикрове́нную опаля́ет, от поползно́венныя стези́ призыва́ющи.

Разде́льшуся Иорда́ну дре́вле, по су́ху прехо́дят лю́дие Изра́ильтестии, Тебе́, Держа́внейшаго, содержа́ща тва́рь некосни́тельно, ны́не в вода́х напису́ющи, к нетле́нной и полéзней стези́.

Ве́мы, пе́рвее всепа́губный потóп ми́лостивно Тя все́х во тлю́ приве́сти, о, тревели́кая сотворя́я и страна́я! Ны́не же потóпльша, Христé, грéх за благосе́рдие и челове́ческое спасе́ние.

Ин.

Ирмос: От иудеи дошедше:

Оби́тель на Земли́ созида́я, Го́сподеви порабо́тал еси́, с беспло́тными си́лами всепе́тое и́мя Святы́я Трóицы досто́йно славосло́вил еси́: отце́в Бо́же благослове́н еси́.

В трудѣхъ духовныхъ житіе своё прошёл еси, яко корабль в морѣ житѣйшемъ, моляся за зѣмлю нашу, да вси в мѣре живущи, превозно́сятъ Отцѣвъ Бѣга благословѣннаго.

Чудесы дѣвными, на землѣ живя, прославился еси, отче Ионо, да и по кончинѣ своей помогай намъ молитвенно ти вопиющимъ: святыи Отче, не забывай и насъ грѣхами отягченыхъ, обаче кающихся Господу.

Богородичен: Истинно Богородице служил еси, отче Ионо, наставляя верныхъ, да выну чтутъ Ея, яко Царицу Неба и Земли. По молитвамъ старца сего, Святаѣ Дѣво, не забуди убогихъ рабъ Твоихъ.

Песнь 8

Ирмос: Свободна убо тварь:

Триѣ Боговиднии, во огни орошаеми, озаряющесея трѣми все-свѣтле святынями, яже показоваху Превышнее Естество смешениемъ человѣческимъ, огнепалѣющее росю милостивно всяку пагубную лѣсть.

Да убедится всякое земное естество, от падѣния ныне на Небо возводимо, Имже бо вся соблюдаются, Слово, текущими струями омывшеся, прегрѣшений прѣжнихъ убеже, пресвѣтло измовѣно.

Ин.

Ирмос: Царя Небеснаго:

К покаянію призывая, в правде наставлял и вразумлял брѣтию и ближняя твоя: послушанію научая и молитве, в рuce Божия живот свой предал еси.

Подвижничеству научая чадъ твоихъ, ободряя ихъ не унывати и в молитве не ослабевати, яко Господь не оставитъ чадъ, воспевающихъ Его во веки.

Благословимъ Отца и Сына и Святаго Духа Господа.

Потоцы страстей обуреваютъ насъ, отче Ионо, обаче ты моли Бѣга и молитвою твоею потщися изъяти насъ изъ руки вражия, укрепляя насъ в надежди на спасѣние и от грѣховъ восстѣние.

Богородичен: Матерь Свѣта, Царица Благая! В часы испытаний

не оста́вила еси́ ны, ве́ру сохра́нити помогла́ еси́, и нас защити́ла еси́. И в послéдний дéнь умоли́ Сы́на Твоего́, да моли́твами отца́ Ио́ны и Твоим предста́тельством и мы поми́ловани бу́дем.

Песнь 9

Ирмос: О, паче ума:

Увѣдохом Моисе́ю купино́ю явлéнная, гряди́, страна́нными уста́вы соде́ланная: я́ко бо спасе́ся, Огнь нося́щи, Де́ва, Светоно́сна ро́ждши Благоде́теля, во Иорда́нских же струя́х явлéнна.

Помазу́еши, соверша́я челове́ческое существо́, Царю́ Безнача́льне, Духа общéнием, струя́ми чи́стыми отмы́в и тьмы́ крѣпость же посра́мль возвы́шенную, ны́не в безпреста́нном возда́ти жити́и.

Ин.

Ирмос: Воистину Богородицу Тя исповедуем:

Сквѣрны грехо́вной, Го́споди, изба́ви ны моли́твами Ио́ны, служи́теля Твоего́, е́же с Тобо́ю пребыва́ти желáя, в небéсное Оте́чество всели́ся. И на́с егóже моли́твами сподо́би Тя сла́вити и велича́ти во ве́ки.

Преда́в себе́ сама́го и ве́сь живо́т свой Бо́гу, Агнца́ Бо́жия распя́та за ны возлюбил еси́ зело́, тем же от сме́рти к жи́зни нестарéемей Христо́с пресели́ тя, ка́мо и ны призывáеши, моля́ся за ны, да вси́ мы радуемся с тобо́ю во ве́ки.

Яко свети́льник земли́ ру́сския, я́ко цвѣт благоухáнный и я́ко миро́ честно́е имéя тя, ста́рче Бо́жий Ио́но, вся́ких зол на́ших и дел смра́дных избавля́емся, моли́твенно притека́я к покрóву твоemú.

Богородичен: Богорóдице Преблагáя, Влады́чице ми́ра и Ма́терь на́ша Всечестна́я, помози́ нам пока́нием очисти́тися и моли́твами отца́ на́шего Ио́ны преселити́ся от жи́зни вре́менной в Оте́чество Сла́вы и ра́дости, иде́же и оте́ц наш Ио́на пребыва́ет.

Светилен:

Свети́льник ве́ры негаси́мый во тьме́ сущим яви́лся еси́, от Све́та невесте́ственного — Со́лнца Пра́вды Христа́ Бо́га облистава́емь еси́, вразумля́я и наставля́я всех ко спасéнию: сего́ ра́ди от дѣл Твои́х

отче Ионо, прославляется Троица Святая Ею же и ты прославляешься.

Слава, и ныне: праздника:

В рабии образе пришел еси, Слове,* и Крещения, Безлётный, яко Человек просиши.* Ужасеся земля и небо, и Ангельстии чини, и водное естество.* Предтеча же, убоявша, страхом и радостию служение совершаше.

На хвалитех ставим стихов 6 и поем стихиры праздника, глас 6.
Подобен: **А**нгельския предыдите силы:

Рцы, о пророче Исаие!* Кто есть, зовый в пустыни?* Что вопиеша: почерпите убо воду очистительную с веселием?* Се Иоанн, крещаяй в пустыни и возопивый.* Христос грядет,* благословен, явлейся Боже наш, слава Тебе.

О, паче ума и неизреченного благоутробия!* Како Творец твари преклоняет Пречистый и Божественный верх,* Крещением образ смирения вводя* в Него просвещаемым?* В Немже поем:* благословен, явлейся Боже наш, слава Тебе.

Наслаждение живоотно от потока Иорданова* источися нам Крещения благодать,* имже просветившися Крещением, глаголем:* слава Явльшемуся в мире и живот нам Подавшему.* В Немже поем:* благословен, явлейся Боже наш, слава Тебе.

И преподобного глас 3:

Блажен еси ты, отче Ионо, яко смирение и житие духовное возлюбив, пламень страстей и искушений постом и молитвою угашая и о гресех сокрушаяся, молитвенник нам явился еси: и ныне в жизни вечней молися о всех чтущих память твою, да Христом Богом и мы помиловани будем.

Ничто не разлучит тя, отче Ионо, от любви Божия, егда и по смерти мочи твоя честныя гонение претерпеша: Ты, отче святе, молитвами твоими укрепил ны стояти в правде и сохраняти святую веру православных, еже есть столп и утверждение истины, да и мы предстательством твоим сподобимся наследия жизни

вѣчныя.

Рáдуйся, и весели́ся, о́тче Ио́но, добродѣтельницами и свѣтостію житія украшенъ, ꙗко мзда́ твоѧ мно́га на небесѣх: по́двигом бо до́брым подвиза́ся и вѣру соблю́л еси́, за то и венѣцъ правды на небесѣх стяжа́л еси́. Мы же земни́и пѣнием ублажа́ем тя, — моли́ся Го́сподеви дарова́ти нам мир и вѣлию ми́лость.

Слава, глас 8.

Отче, преподо́бне Ио́но, за́поведи Христо́вы исполня́я, благода́ть Ду́ха Свята́го стяжа́л еси́, сего́ ра́ди преподо́бным нарица́ешися, моли́тва твоѧ мно́го мо́жет пред Влады́кой Христо́м: моли́ся, о́тче, да бу́дем прича́стницы жи́зни вѣчныя.

И ныне, глас 6. **Подобен:** **А**нгельския:

Яко вредя́щих земныхъ отвѣдшесѧ,* прииді́те мы́сленно, очисти́м чу́вства* и, Христа́ ви́девше,* плóтию креща́ема от Иоáнна Предте́чи,* вси с ним, песнослóвѧще вѣрно, возопи́ем:* благословѣ́н, явля́йся Бо́же наш, сла́ва Тебе́.

На всех часах тропарь Праздника и Преподобного. Кондаки Праздника и Преподобного глаголем прменяюще: 1 и 6 час — Праздника, 3 и 9 час — Преподобного.

НА ЛИТУРГИИ.

Антифон 1.

Дивен Бог во святыхъ Своихъ, Бог Израилев.

Молитвами Богородицы, Спасе, спаси нас.

Бе удалихся, бѣгая, и водворихся в пустыни.

Молитвами Богородицы, Спасе, спаси нас.

Колѣна моя́ изнемогóста от поста́, и плоть моя́ измени́ся елѧ ра́ди.

Молитвами Богородицы, Спасе, спаси нас.

Слезáми постѣлю мою́ омочу́.

Молитвами Богородицы, Спасе, спаси нас.

Сла́ва Отцу́ и Сы́ну и Свято́му Ду́ху, и ны́не, и при́сно, и во ве́ки веко́в, ами́нь.

Молитвами Богородицы, Спасе, спаси нас.

Антифон 2.

Терпя́, потерпе́х Го́спода, и внят ми, и услы́ша моли́тву мою́.

Спаси ны, Сыне Божий, во святых дивен Сый, поющия Ти: аллилуйя.

Да испове́дятся Тебе́, Госпо́ди, вся дела́ Твоя́, и преподо́бнии Твои́ да благословя́т Тя.

Спаси ны, Сыне Божий, во святых дивен Сый, поющия Ти: аллилуйя.

И увéдите, я́ко удиви́ Госпо́дь преподо́бнаго Своего́.

Спаси ны, Сыне Божий, во святых дивен Сый, поющия Ти: аллилуйя.

И утрудих́ся в век, и жив бу́дет до конца́.

Спаси ны, Сыне Божий, во святых дивен Сый, поющия Ти: аллилуйя.

Сла́ва: И ны́не: **Є**диноро́дный Сы́не.

Антифон 3.

Честна́ пред Го́сподем смерть преподо́бных Его́.

Тропарь Ионе, глас 4.

Яко лучеза́рное со́лнце* от коне́ц земли́ возсия́вшее* яви́лся еси́ днёсь напоследок дний* тезоимени́тому проро́ку подо́бся* во е́же воздви́гнути

люди к покаянию* Тёмже и сама Пречистая* с сонмом святых тебе многажды явися* Еяже повелением создана бысть обитель во имя Живоначальная Троицы* К Нейже имея дерзновение* моли преподобне отче наш Ионо* подати нам милость и оставление грехов в день судный.

Хранит Господь души преподобных Своих.

Тропарь.

Пойте Господеву преподобнии Его и исповедайте память святых Его, во всех людех чудеса Его.

Тропарь.

Входное:

Велий Господь Наш, и велия крепость Его, Той даст силу и державу людем Своим, благословен Бог.

Аще же служба архиерейская, входного особне не глаголем.

По входе тропарь Праздника и Преподобного. Слава, Кондак Преподобного. И ныне — Праздника.

Прокимен Праздника глас 4: **Б**лагословен Грядый: и **П**реподобного глас 7: **Ч**естна пред Господем:

Апостол: 333 от полу (Евр. гл. 12, ст. 28 — гл. 13, ст.8)

Аллилуйя глас 6: Блажен муж: и ины.

Евангелие: Луки зач. 24.

А рядовые Апостол и Евангелие вычитываем наперед или наутрие, егда уставщик разсудит.

Задостойник Праздника.

Причастен: Праздника и Преподобного.

МОЛИТВА

О, священная главо, ангеле земный и человеке небесный, преподобне и богоносне отче наш Ионо, из-

рядный уго́днице Пресвяты́я и Единосущны́я Трѳицы, явля́ющий мно́гия мѳлости живущим во святѳй обѳтели твоѳй, и всем, с вѳрою и любѳвию притека́ющим к тебѳ. Испроси́ нам вся благопотре́бная к жи́тию сему́ вре́менному, и ну́жная к вѳчному спасѳнию на́шему. Посѳбствуй предста́тельством твоѳм, уго́днице Бо́жий, всем нам, к мо́щѳм твоѳм святы́м припа́дающим, на враги́ ви́димыя и неви́димыя одоле́ние, дав в ми́ре глѳбѳце пребу́дет Свята́я Правосла́вная Це́рковь Христо́ва, и в благоустроѳнии зи́ждется обѳтель, ю́же ты основа́, во вся́ком благоче́стии неруши́мою. Бу́ди всем нам, чудотво́рче святы́й, помо́щник ско́рый во вся́кой ско́рби и обстоя́нии. Наипа́че же в час кончи́ны на́шей яви́ся нам засту́пник благосѳрдый, да не пре́дани бу́дем на мыта́рствах возду́шных вла́сти зло́бнаго миродѳржца, но да сподо́бимся не-преткнове́ннаго восхо́да в Ца́рствие Небе́сное. Ей, ѳ́тче моли́твенниче наш при́сный! Не посрами́ упова́ния на́шего, не презри́ смире́нная моле́ния на́ша, и предста́тельствуй за нас пред престѳлом Живонача́льны́я Трѳицы, да сподо́бимся вку́пе с тобо́ю и со все́ми святы́ми мы, недостѳйнии, в селе́ниях ра́йских сла́вити вели́чие, благода́ть и мѳлость еди́наго в Трѳице Бо́га, Отца́ и Сы́на и Свята́го Ду́ха во ве́ки веко́в.

ВЕЧЕР

На Господи воззвах поставим стихов 6 и поем стихиры праздника 3, глас 2:

Просветѳтеля на́шего,* просвеща́ющаго вся́каго челове́ка,* ви́дев

Предтеча, креститися пришедша,* радуется душею и трепещет,* рукою показует Его, и глаголет людем:* Сей, избавляя Израиля,* свободяя нас от нетления.* О безгрешный Христе Боже наш, слава Тебе!

Избавителю нашему, от раба крещаему* и Духа пришествием свидетельствуему,* ужасошася, зряще, Ангельская воинства.* Глас же с Небес принесся от Отца:* Сей, Егже Предтеча рукою крещает,* Сын Мой есть возлюбленный, о Немже благоволих.* Христе Боже наш, слава Тебе.

Иорданския струи Тебе, Источника, прияша,* и Утешитель в виде голубине сходяше:* приклоняет верх Приклонивый Небеса.* Зовёт и вопиёт брание Зиждителю:* что ми повелеваеши, яже выше мене?* Аз требую Твоего крещения,* о безгрешный Христе Боже наш, слава Тебе.

И стихиры святого, глас 8:

Радуйся и веселися, святая Земля Киевская* и Церковь Святая Православная:* новая бо звезда на Небосводе Церковнем явися,* преподобный и Богоносный Отец наш Иона,* утверждая ны в вере отцев наших,* ереси и расколы побеждая* и указуя путь ко спасению душ наших.

Радуйся, Богоспасаемый граде Киеве,* преподобными бо святыми Киево-Печерскими* прославлен бысть во век века;* се ныне и новый светильник явися,* богоблаженный старец Иона,* яко слава и украшение Святаго града,* нетлением мощей от Бога прославленный;* сей бо молится за град наш и верныя люди,* да подаст Господь нам велию милость

Радуйтесь, торжествуйте и славьте Господа,* Сей бо яви церкви Православней* милость свою в прославлении* чудного Аввы Ионы,* иже ангельски пожив на земли плотию,* с безплотными водворися на небеси* и духом славословит непрестанно Троицу Святую* и молится во еже избавитися от бед и напастей* чтущим память честную его.

Слава, глас 6.

Градо́стию и усерди́ем о́тче наш Ио́но* и́го Христо́во все́ жити́е свое́ нес еси́* и, сосу́д чистоты́ был еси́,* с преподо́бными преподо́бен яви́лся еси́* и кончи́ны честны́я удосто́ился еси́* и вене́ц сла́вы от Христа́ Спаси́теля восприя́л еси́.

И ныне, глас 4.

Трепетáше рука́ Крестите́лева,* егда́ пречи́стому Твоему́ верху́ косну́ся.* Возврати́ся Иорда́н река́ вспя́ть,* не дерза́ючи служи́ти Тебе́:* я́же бо устыде́ся Иису́са Нави́на,* ка́ко Творца́ своего́ устраши́тися не имя́ше?* Но все испо́лнил еси́ смотре́ние, Спа́се наш,* да спасе́ши мир явлéнием Твои́м,* Еди́не Человеколю́бче.

На стиховне, глас 5.

Отче преподо́бне Ио́но, жи́знь твоя́ сла́вна и успе́ние со святы́ми: прешéл бо еси́ в Оте́чество вéчное, но не оста́вил нас, тéлом бо нетлénным с на́ми пребыва́я и в моли́твах свои́х нас не забыва́я: моли́ся о всех чту́щих святу́ю па́мять Твою́, да получи́м от Христа́ Бо́га вéлию ми́лость.

Стих: Честна́ пред Го́сподем смерть преподо́бных Его́.

Отче, преподо́бне Ио́но, жи́знь твоя́ сла́вна и успе́ние со святы́ми: прешéл бо еси́ в Оте́чество вéчное, но не оста́вил еси́ и ны, тéлом нетлénным с на́ми пребыва́я и в моли́твах свои́х нас не забыва́я: моли́ся о всех чту́щих святу́ю па́мять твою́, да получи́м от Христа́ Бо́га вéлию ми́лость.

Стих: Восхва́лятся преподо́бнии во сла́ве и возра́дуются на ло́жах свои́х.

Отче блаже́нне Ио́но, Ты сосу́д Ду́ха Свята́го бы́л еси́ и моща́ми нетлénными доны́не с на́ми пребыва́еши и в Ду́се Бо́жием я́сно свидéтельствуеши и Христо́ву си́лу в Це́ркви утвержда́еши: Его́же моли́ се́рдце чи́сто в нас созда́ти и обнови́ти ны ка́ющияся.

Слава, глас тойже:

Отче Пресла́вне Ио́но,* Го́спода все́м се́рдцем возлюбивый* и бли́жним любóвию послужи́вый,* сии́ добродéтели Ду́ха Свята́* и нам стяжа́ти помози́,* да и мы в любвé к Бо́гу и бли́жним пребы-

ва́я,* жи́знь вѣчную насле́дуем.

И ныне, глас 4.

Тебе́, в Ду́се и огни́ очища́юща грех ми́ра,* зря Крестите́ль гряду́ща к себе́,* ужа́са́яся и трепе́ща, вопия́ше, глаго́ля:* не сме́ю держа́ти верх Тво́й пречи́стый,* Ты мя освяти́, Влады́ко,* Боже́ственным явлéнием Твои́м,* Еди́не Человеколю́бче.

Тропарь Ионе, глас 4.

Яко лучеза́рное со́лнце* от коне́ц земли́ возсия́вшее* яви́лся еси́ днёсь напоследок дний* тезоимени́тому проро́ку подо́бся* во е́же воздви́гнути лю́ди к пока́нию* Те́мже и сама́ Пречи́стая* с со́нмом святы́х тебе́ мно́гажды яви́шася* Ея́же пове́лением создана́ бы́сть оби́тель во и́мя Живона́чальныя Тро́ицы* К Не́йже имéя дерзнове́ние* моли́ преподо́бне о́тче наш Ио́но* пода́ти нам ми́лость и оставле́ние грехо́в в день су́дный.

Слава, и ныне, праздника, глас 1:

Во Иорда́не креща́ющуся Тебе́, Го́споди,* Тро́йческое яви́ся поклонéние:* Родите́лев бо глас свидéтельствоваше Тебе́,* возлю́бленнаго Тя Сы́на имену́я,* и Дух в ви́де голу́бине* изве́стоваше словесе́ утверждéние.* Явлéйся Христé Бо́же* и мир просвещéй, сла́ва Тебе́.

И тако отдаем сей праздник.

Зри, аще приключится праздник сей в Субботу по Богоявлении, правим службу непременно якоже указася. И в воззвах на И ныне Догмат поем отходящаго гласу. А на Литургии прокимен Праздника и Святаго. Апостол же и Аلیلуйя и Евангелие Субботы по Богоявлении и Святаго. Причастны Праздника и святаго.

Зри, аще прилучится праздник сей в Неделю по Богоявлении, праздника служба оставляется, зане тако повеле Глава о Храмах. Поем же и всенощно обычно. На Господи воззвах поставим стихов 10 и поем Воскресны стихиры прилучившагося гласа 4 и святаго 6. Слава, святаго, и ныне, Богородичен 1-й гласа. Вход, прокимен дне, и чтения преподоб-

нический три. На литии стихира храма и стихиры святого. Слава, святого, и ныне Богородичен воскресный во глас славы. На стиховне стихиры воскресны гласа, слава, святого, и ныне Богородичен воскресен во глас славы. На благословении хлебов Богородице Дево единойды, и святого единойды, и праздника. На утрени на Бог Господь тропарь воскресен гласа дважды, слава, святого, и ныне, праздника. Седальны по кафизмам воскресны. Полиелей. Припев на полиелеи святого. Ипакои гласа, седальны святого от стихологий. Седален по полиелеи святого. Слава, и ныне, Богородичен его. Антифоны гласа. Прокимен и Евангелие Святого. По Евангелии на славу святого, стихира, глас 6. Каноны Воскресен гласа, Богородице и Святому. Катавсия праздника. По 3-й песни кондак святого, седален святого, слава, и ныне, Богородичен его. По 6-й кондак и икос воскресен гласа, поем Честнейшую. По Свят Господь Бог наш Светилен воскресен от столпов, слава, святого, и ныне, Богородичен воскресен от столпов. На Хвалитех поставим стихов 8 и поем воскресны гласа 4 и святому со славным 4 с припевы от стиховен его. Слава, святого, и ныне, Препоблагословенна. Славословие великое. Тропарь воскресен и ектении и отпуст. Стихира Евангельская от столпов. На часах же глаголем тропари Воскресен гласа и Слава. В 1-й и 6-й – Празднику, в 3-й же и 9-й – Святому. А кондаки Празднику и Воскресный гласа и Святому глаголем пременяюще, покрываем же кондаком Праздника. На Литургии Антифоны Святого. По входе тропарь воскресен гласа и Праздника, и Преподобному. Кондаки: Воскресен; Слава, Преподобному; И ныне, Праздника. Прокимен глас 1 Буди Господи милость Твоя на нас: и Святому. Апостол зач. 324 от полу, и Святому. Аллилуйя глас 5. Евангелие Мф. Зач.8, и Святому. Поем Достойно есть, а не Задостойник. Причастны Праздника и воскресен.